

丙三、断净倒方便之瑜伽分三	丁一、略明其体		虽经久受用，境无穷尽际，如恶医治病，汝身劳无果。	
			如有依土虫，爱土终不息，如是爱欲人，欲望增亦尔。	
	戊一、明于境女断贪分三	己一、断于境女色之贪著		一切诸妇女，稠密无差异，色亦为他用，美女汝何为。
				谁于谁悦意，彼由彼生喜，犬等亦所共，恶慧汝何贪。
				汝得端正女，原为众人共，获彼汝觉奇，此奇实非有。
		己二、断分别彼功德之贪著		具德则觉爱，相违则生嗔，不决定住故，前后何者实。
				愚夫起贪欲，非唯具德者，无因而转趣，其灭岂从因。
				若时未知他，尔时爱其夫，妇女如恶症，常应防外缘。
		己三、断计彼为乐因之贪著		壮年自所作，老时不乐彼，如何解脱者，于彼不烦恼。
				不贪者无乐，非愚亦无贪，若意常外驰，彼乐为何等？
				如汝常爱重，不能常与合，属我非他有，此摄持何为。
				若贪即是乐，妇女应无用，未曾见有说，乐是所弃舍。
		戊二、明有境贪欲过患		虽与妇相合，乐从余缘生，非愚孰妄执，唯妇为乐因。
				贪蔽如搔癩，不见欲过失，离欲者则见，贪苦如癩者。
			无怙饥所迫，饥时所动作，贪者遇女时，动作亦如是。	
			有由骄傲故，于厕亦生著，有者贪其妇，于他起嫉心。	
	戊三、明了达不净而对治之方便分三	己一、明身为不净之幻轮		于不净起痴，起嗔较应理，于彼起贪爱，毕竟不应理。
		己二、广明其理分三	庚一、明身为不净之因	除人不净器，尚为所应呵，不净所从出，何不思呵毁。
				若一切净物，后触成不净，智人谁能说，彼中有净性。
			庚二、明身为不净之果	有唯住秽室，无秽则不住，于彼不净虫，愚故生骄傲。
		庚三、明身为不净体性		随用何方便，身内不能净，汝应勤净内，非如是净外。
				若具污秽身，如癩非众同，有秽如癩者，则为众所弃。
己三、修如是瑜伽之作用		如人肢残缺，假鼻生欢喜，花等治不净，贪著亦如是。		
		若处生离贪，彼不应名净，决定为贪因，是事都非有。		
丁三、障治摄义		无常与不净，苦性及无我，总于一事上，四性皆容有。		